



Inatsisartuni ilaasortaq
Pipaluk Lyngge Rasmussen, Inuit Ataqtigiit
/Maani

§ 37 naapertorlugu plastikkit pillugit apeqquteqaat nr. 031-2022-mut akissut

Asasara Pipaluk Lyngge Rasmussen

Inatsisartut suleriaasianni § 37, imm. 1 naapertorlugu plastikkit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

1. Plastikkinik sanaat puussiat tigummiarfillit avatangiisinut akitsuut qanoq nunatta karsiata ukiumut iluanaaruteqarfigisarpaa?

Akissut:

Akissuteqarnissamut atugassatut Aningaasaqarnermut Naligiissitaanermullu Naalakkersuisoqarfik paasissutissanik pissarsiniarfigineqarpoq. Puussiamut plastikkinik sanaamut tigummiarfilimmut tunineqartumut ataatsimut avatangiisinut akitsuut 3 koruuniuvoq. Aningaasaqarnermut Naligiissitaanermullu Naalakkersuisoqarfik ilisimatitsivoq, Nunatta Karsiata 2021-mi puussianut tigummiartakkanut avatangiisinut akitsuutit aqqutigalugit pissarsiarisai 11,49 mio. koruuniusimasut.

2. Plastikkinik sanaat puussiat ukiumut qassit tunineqartarpat?

Akissut:

Akissuteqarnissamut atugassatut Brugseni, KNI aamma Pisiffik paasissutissanik pissarsiniarfigineqarput. Paasissutissat taakku tunngavigalugit pisiniarfiit pingasuusut taakku 2021-mi puussianik plastikkinik sanaamik tigummiarfilinnik katillugit 2,8 mio.-t missaannik tunisaqarsimapput.

3. Pisiniarfiit qanoq annertutigisumik puussianik tunisaqarnermiit ukiumut iluanaaruteqartarpat?

Akissut:

Akissuteqarnissamut atugassatut Brugseni, KNI aamma Pisiffik pisiniarfiit puussianik plastikkinik tunisaqarnerminni isertitaat pillugit paasissutissanik pissarsiniarfigineqarput. Pisiniarfiit suliffeqarfiupput nammineertut, taamaattumillu ataatsimut isigalugu pisiniarfiit toqqaannartumik apeqquteqarfigineqassasut inassutigineqarpoq.

Allakkat ullua: 07-02-2022
Suliap normua.: 2022 - 2548
Allakkiap ilisamaataa:
19132491

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Brugseni aamma Pisiffik akissuteqarput, puussianik tunisinerminni qanoq annertutigisunik isertitaqarsimanerlutik ilisimatitsissutigisinnaanagu, tamatumani pisinermut isumaqatigiissutit, pilersuisuminnut isumaqatiginninniutigisartagaat tunngavigineqartarmata.

KNI ilisimatitsivoq, puussianut 37%-inik isertitaqarsimallutik. Tassalu puussiamut ataatsimut 2,43 koruunit.

Inussiarnersumik inuulluaqqusillunga


Kalistat Lund